

تاریخ تاسیسی ۱۳۲۷ سنه هجری

صاحب امتیاز و مدیر مسئول حسن کائلم

حجری لایحه

ملت اسلامیہ — امت عثمانیہ ایچون مفید اولان آثاره
صحیفه لر من آجیقدر درج ایدلیان اوراق اعاده ایدلار

استانبولده باب عالی جوارینده ابوالسعود جاده سنده
نجم استنبال مطبعه سنده اداره خانه من اصحاب
مراجعه هر ساعت آجیقدر

سنه ۱۳۳۲ اعتباریله ممالک شاهانه ایچون پشین
اولارق ۲۰ القی المئی ۲۰ غروش و ممالک
اجنبیه ایچون ۱۰ فرانقدر .
تلفون نومروسو : ۱۰۹۷

شمه یلک اون بش کونده برنشر اولنور

نسخه سی : ۴ باره در

تصوفی ، دینی ، اخلاقی ادبی ، سیاه جریده اسلامیہ در

نومرو ۱۲۰

لبه رغائب نیمه المواهب

فخر کائنات علیه اکمل التحیات زیب آور مقام نبوت و آرایش رنگ رسالت پیغمبریز محمد المعافی صلی الله علیه و سلم افندیمن حضرت تلیرینک
مشیمه مقدسه مادده شرف بخش اولدقلری لیلته مبارکه نیک فیوضات قدسیه سی بتون عالم اسلامی نورلره غرق ایدن بوشب معظمده کافه بلاد اسلامده
میایونلرجه مؤمنین و موحدین طاعات و عبادات ایله مشغول اولهرق فیوضات معنویه اکتساب ایتشلر در . همان جناب فیاض مطابق حضرت تلیری بولیلته
مبارکه نیک حرمتته بتون بلاد اسلامیہ و ممالک عثمانیه نجات و سعادت و بالجله مؤمنین و مؤمناته رفاه و سلامت و جنود اسلامییه ظفر و نصرت
بیورسون آمین .
جریده صوفیه — بولیلته مقدسه قارئین محترمه سنه تبریک ایلر .

البیضة العثمانیه خطابه سی ترجمه سی

[مایه عدد : ۳]

حدیثده (لایؤمن احدکم حتی یحب لایحه ما یحب لنفسه) معناسی :
سزک هر برلریکیز کنده نفسی ایچون سودیکیشی مؤمن قارداشی
ایچونده سومدکجه ایمانی کامل دکدر . بیورمشلر در . شوراسی
مقرر در که نوع انسانی افراد منتشره حالده تکثر ایتدکده هر فرد
بر عائله و یا شعبه و قبیله منسوب و مربوط اولدقجه هویتک بیلنمی
و طائفسی ممکن دکدر . ایشته افراد بشر بیتده بو تناسلرک دفعی
ایچون خالق تعالی و تقدس حضرت تلیری نوع بنی بشری شعوب و قبائله
تفریق و تقسیم بیوردینی الحق هر فردک دیکر افراد زدنده معروف
و معلوم اولسی ایچوندر بو حکمتی تمامیه ادراک ایده میانلر شعوب
و قبائل مدار تفاخر و تنافس اتخاذا ایتدیلرده قرآن مجید بوکی احوال
غیر لایقهرلری آنلرک علینره رد ایدرک (ای انسانلر سز بینکزده
اولان هرشیده مساویسکیز چونکه محقق سزلر ارکک و قادین اولهرق
یارادلریکیز و آنحق تعارف حکمتته مبنی بینکزده کی تناسلرک دفعی
ایچون شعوب و قبائله تقسیم و تفریق ایدلریکیز یوقسه شعوب و قبائلکیز
هیچ بروجهله مدار تفاخر اولهمن) جوابی ویرمک صورتنده شو
(یا ایها الناس انا خلقناکم من ذکر و انثی و جعلناکم شعوباً و قبائل
لنعرفوا) آیت جلیله سی شرف صدور بیورلدی . تفاخر آنحق فضیلت
و عمل صالح ایله اوله بیلور یوقسه انساب ایله افتخار بیوده در
بومضمون عالییه تردیفاً (ان اکرمکم عندنا اتقاکم) آیت جلیله سی
مؤکد اولهرق شرف وارد اولیورکه معناسی : محقق نزد الهییده اک
کرامتلو اولانلرکز جناب حقن اک جوق قورقانکیز در : دیمکدر
ایشته دینده قومیتک هیچ بر فائده سی اولدینی صریحاً آکلشیلور

صاحب اسعد افندی خطابات عربیه سنه یته دوام ایدیور دییورکه :
یز امت اسلامیہ و ابناء اهل قرآن عمومیتله اخوانز باب دینده
بینمزه قومیت و عنعنه قومیه اعتبار یوقدر بلکه یز بر بابانک اولادیز
او پدر مقدس مزده قرآن عظیم الشان و شریعت پیغمبر ذیشاندر یز
بر حجره ایچنده تولد ایتدک که اوده ظهوریله برابر قومیتی رفع ایلان
حجره جلیله اسلامدر همده هیچ بر کیمسه نیک باباسی اوکا کنده
نفسندن ده اولی و اقرب اولدینی حالده حضرت نبی اعظم صلی
علیه وسلم افندمزک بتون مؤمنلره نفسانردن ده اولی و اقرب اولدیمی
قرآن کریمک شهادتیه تابندر . اوله ایسه علیه الصلاة والسلام افندمز
بابا اشفق و ارحم و اولی اولق صورتیه اعظمدر . نیکم حدیث
شریفده (لایحب احدکم حتی اکون احب الیه من ابیه و امه و ولده
و الناس اجمعین) وارد اولمشدر معناسی : بن سزک هر برلریکیز
بابان ، انان ، اولادین ، بتون انسانلردن ده سوکیلی اولدقجه
ایمانکیز کامل دکدر : دیمک اولیور همده حضرت پیغمبر علیه السلام
افندمزک ازواج طاهراتی — ارکک اولسون قادین اولسون — بتون
مؤمنلرک والدلریدرکه بوده قرآن ایله منصوصدر اوله ایسه بتون
مؤمنلر شو ابون کریمک تحتنده اندراج ایتش قارداشلر در . فصلکه
جناب حق قرآن کریمده (انما المؤمنون اخوة) معناسی : محقق بتون
مؤمنلر بر برینه قارداشدر . اوله ایسه ای مؤمنلر قارداشلریکیزک
بینی اصلاح ایدیکیز : دیه بیورمشدر و جناب رسالتاب افندمز بر

چونکه بزر بردین اولادین قوه جامعه قرآنله اجتماع ایتش قارداشلرز اوله ایسه قومیاتدن هر هانکی بر قومیتله بو اخوت دینیته نیک بینی تفریق جالیشان هر بر مفسد فاجری جناب حق قهر ایتسون . . . یته قهر ایتسون . . .

ملتیزک دشمنلری ، دولتیزک خصمائی صاحب خلافت اسلامییه اولان دولت عثمانیه ایله محارب اولملری طولایسیله محقق اسلامیت و قرآن کریم ایله محاربه ایدیورلر زیرا او اسلام و قرآن دشمنلری اولان ظلمه عدوان دولت علیه عثمانیه یی ازمده که روی زمینده بولنان بتون اسلاملری ازمکه مقتدر اوله میه جقلری بیلدکلری ایچون دولت مشارالیه انک محو و انقصاصی قصدیه محاربه یه باشلادیلر اشته بوضورتله عالم اسلام و قرآن ایله محاربدرلر اوله ایسه قافقاسیاده و اناتولی و روم ایلیده ، یمن ، حجاز ، نجد ، جاوا ، چین ، بخارا ، افغان ، عجم ، بلوچستان ، ترکستان و زنکبارده و عراق ، مصر ، بلاد مغرب و سودان و شامیده و سائر اقطار جهانده جناب حق و حضرت محمد علیه السلامه ایمانی اولان و دین اسلام اوزرینه حیت و غیرتی بولنان هر بر مؤمن و مسلم ایچون اعدای دینیز اولان روس ، انکلیز و فرانسیز و ایتالیایه قارشو قرآن کریمک (انفروا خفافاً و ثقلاً و جاهدوا باموالکم و انفسکم فی سبیل الله) ندای جلیله لیک زن اجابت اوله رق نفس و مال و قلب و لسانیه و بلکه استطاعت قلمیه سی اولان قلمیه غزاة و مجاهدین اسلامییه و دولت علیه عثمانیه نیک محب و متفق بولنان المانیایه و اوستریا مجارستانه معناً و ماده لواء خلافت اسلامییه تختنده انضمام ایتک لازمدر بو خصوص حقدده طرف خلیفه دیشانندن امر واقع اولمقله مقام مشیخت اسلامییه دن قنوائ شریف صدور ایتدی بوضورتله استطاعت بدنییه و مالییه سی اولان هر مسلممه فرضیت جهاد تعین ایلدی . (انفروا و جاهدوا) ندای قرآنینه قارشو قولاق طیقانیان کیمسه جناب حقک غضب و جلالت او غمراسون و او غریبه جقدر اه اتمالی او محالفیندن صدقات و عبادات سائر می قبول ایتیز جناب حقک خزی ولعتی جماعت اسلامییه دن آریلان و رابطه خلافت عثمانیه یی قیرمق ایچون فساد جالیشان و بی و عناد ایله دینی دنیا ایچون صاتان و اسلام علیه اوله رق اسلام دشمنلرینه یاردم ایدن و آنلرله برابر اولوبده اسلام ایله محاربه ایدن هر فاسق مطرودک اوزینه اولسون که او مفسد مردود کافر در . . . کافر در . . . او مهیمه فاجر بئس الحصیر اولان جهنمده ابدی قاله جقدر . . . بورایه قدر صاحب اسعد افندیکنک خطابه سی ترجمه ایلدی بوندنصکره خطیب مشارالیه خلفای عثمانیه نیک استانبولی فتح ایتدیکنندن اعتباراً عیسویلرله موسویلرک بیلله اولجه قیاصره دن کوردکلری ظالمردن تخایص کریبان ایدرک دنیانک هیچ بر طرفنده نائل اولدقلری سربستی دینه مظهر اولدقلری و ترکلرک قانلریله جانلریله ، ماللریله الله ایتدکلری بوملکه آنلریده اورتاق ایدرک دوائر حکومتک هر موقعنده و مبعوثان و اعیان مجلسلرنده مسلمانلرله بر ضرره بولندقلری و سائر می ذکر ایتدکدن و خلافت جلیله اسلامییه و سلطنت سنیه عثمانیه نیک بقا و قوام سلطنتک الی نه سایه

دوامی حقدده ادعیه مأثورده بولندقدنصکره برنجی خطبه سنه ختام و یرییور بوندنصکره صرمسیله بش قطعه خطبه لرنده باب عالی و مقام صدارت عظمی و خارجیه نظارت جلیله سنک و بالخاصه صدر اعظم سعید حلیم پاشا حضرتلریله خلیل بک افندی حضرتلریکنک حکمت حکومتده کی اصالت رأی و تدابیر سیاسی و اخلاص صمیمانه لرینی و باب مشیخت علیا و شیخ الاسلام خیری افندی حضرتلریکنک و حربیه نظارت جلیله سی و دوائر عسکریه و خصوصیه انور پاشا حضرتلریکنک و بتون اردوی هایونلر قوماندان و ضابطانیله افراد عسکریه سنک و داخلیه نظارت جلیله سی و بالخاصه طعت بک افندی حضرتلریکنک و بحربیه نظارت جلیله سی و دونمائی هایون قوماندانلریله مراتب بحربیه سنک خصوصیه دردنجی اردوی هایون قوماندانی بولنان بحربیه ناظری جمال پاشا حضرتلریکنک اجرا آت حکیمانه و فعالانه لرندن بحث ایدرک بحق تشریح و تصریح ایتدکدن و حکومت حاضره عثمانیه و وکلای جلیله خلافت سنیه نیک استقام و اخلاص تام ایله دین و وطن و عرض و شرف اسلامی محافظه ایچون خارق العاده دینه جک درجه ده عزم و ثبات و خیر نیات مالک اولدقلری و بوقدر محن و مشقت ایچنده سببی و غیرتلیله اصلا سکته و فتور کتور مدکلری : ر بر و بک بلغانه بیان بیوردقدنصکره علما و مشایخ و عموم اهل کتابه و واعظلر ایله خصوصی و عمومی خطبایه و حمله اقلامه خطاب ایدرک دییورکه : بومقام خلافت اسلامییه و دولت ابد مدت عثمانیه نیک عموم تبعه و زیر دستانی حقدده دین و مذهب و قومیت تفریق ایتیه رلک ابدال بیور کادیکی الطاف و عنایات قارشو متتدارق و حقوق شناساق نقطه نظرندن خدمت شکر و محمدنی ایفایه سرعت ایتک صورتیه علما علم و فضلنک ، مشایخ رشد و فیضنک ، و رؤسای اهل کتاب و وجدان و صفت انسانیه سنک و واعظین و خطبا طلاق لسانیه سنک و بتون محررین ، ادبا ، شعرا و متفکرین اهل ملل قوه قلمیه و شئون ذهنیه و قلمیه و سنو حات فکریلریکنک اولانجه آثاریه منسوب اولدقلری جمعیت بشریه نیک ارشاد و ایقاننه سعی و غیرت ایدرک مجاهدین غزاة اسلامییه معناً و ماده یاردم ایتک وظیفه مقدسه سنک ایفاسی توصیه و خلافت جلیله اسلامییه و سلطنت سنیه عثمانیه تکرار تکرار ادعیه بلیغه عربیه تلاوتیه مقالاتنه خاتمه و یرییور بو خصوصده طرفزدن فضله برشی علاوه سنه لزوم کورمده شوقدر دیه جکیز که عموم اسلاملر حقدده خصومتکار و خصوصیه یکنانه دولت اسلامییه اولان خلافت عثمانیه نیک اضمحلانله او غراشان انکلیز ، موسقوف ، فرانسیز ، ایتالیا دول و ملل ظالمه سیله آنلرک یارد اخیلری مال سائر خاشنه نیک غیره الله چاربه رق جزای سزالی بولمقله اولدقلرینه و دها بوله جقلرینه بعنایه منتظر اولدینغیزی و بو خصوصده بتون مسلمانلر مجاهدین و قهرمانان غراتک کو کسلرنده کی ایمان و محبت و وطنیه و امداد روحانیت حضرت احمدیه استناد ایتدکلری بیوک بر اعتماد و ایمان ایله سویلر و جناب حقه شکر ایلرز .